

Mocion trata den Parlamento a dicidi

PUEBLO DI ARUBA MESTER DICIDI ENCUANTO INDEPENDENCIA

ORANJESTAD(AAN)—E asunto di independencia y e fecha pa independencia di Aruba, a bolbe bira topico di discusion den Parlamento di Aruba, caminda dos mocion a conoce un fusion, pa finalmente keda acepta na forma unanime.

E dos mocionnan cu a wordo presenta den Parlamento di Aruba tabata di AVP, cu a presenta un mocion cu mes contenido cu esun cu a keda presenta den Staten. MEP di su parti tambe a presenta un mocion, cu tabata tin mas o menos e mes

contenido.

Despues di un discusion di alrededor di dos hora, a keda dicidi di trata un solo mocion, esta un fusion di mocion,

cu a keda aproba pa tur 20 miembro presente, esta na forma unanime, si tene cuenta cu e Independiente, Adri de Palm, estando den exterior, no

por a participa na e reunion.

E mocion aproba ta papia di un conferencia di evaluacion encuan-

to. Sigui lesa pag. 4

PARLAMENTO DI ARUBA TA SIGUI REUNI

DIA 19 DI JULI PARLAMENTO LO APROBA CAMBIO DI STATUUT

ORANJESTAD(AAN)—Mientras e cambio di Statuut a keda trata den sala di Parlamento di Aruba, Consejo Insular di Aruba ainda no tin permiso pa vota encuan-

to. Esaki ta un asunto cu ainda mester keda regla.

E ley concerni, cu pues ta duna permiso na Consejonan Insular pa vota encuan-

to. Esey ta encera cu dia 19 di Juli, pa 3 or di merdia, Parlamento di Aruba lo reuni, pa aproba e cambianan.

ORANJESTAD(AAN)—Durante e ultimo dianan, miembronan di Parlamento di Aruba ta keda basta ocupa cu tur e asuntonan c ta rekeri tratamento den reunion publico.

Mañan Diahuebs, lo tin un reunion publico pa 2 or di merdia, cu un agenda basta extenso.

Un cantidad di corespondencia cu a dren-

ta, lo wordo poni na atencion di e miembronan, cu lo mester trata atrobe e otorgamento di erfpacht na Aruba Recycling Industries NV y extension di erfpacht na Aruba Real Estate Number Three NV.

Parlamento di Aruba durante e reunion di mañan tambe lo mester e aregлонan encuan-

to. Mientras un agenda basta amplio ta spera pues tratamento mañan, Diabierna pa 3 or di atardi, Parlamento lo reuni den un sesion extra ordinario pa despedi di John Booi como Secretario di Teritorio Insular di Aruba.

Resort su promer fase ta operando desde Juli 1983, y su gerencia ta den man di señorita Lourdes Figueroa. Construcion di e segundo y tercer fase lo inicia na cumintamento di 1986 y ta programa pa finaliza na April 1988.

DESAROYO CULMINANTE NA ARUBA BEACH CLUB

ORANJESTAD(AAN)—Aruba Beach Club, e promer hotel di time-share na nos isla, ta den su fase final di venta, yegando asina un piedra importante pa e organizacion.

E concepto di time-sharing a wordo treci Aruba na aña 1974, ora Sun Development Company NV, hunto cu algun inversionista, cargando e nomber Aruba International Beach Club, Inc. a inicia e proyecto di Aruba Beach Club, cual awor ta presenta un gran prueba di exito, cumpliendo cu su meta.

Meta di e organizacion di time-sharing ta pa bende tur camber na doñonan semanal, esta miembronan c pa resto di nan bida por haci uso anual di e cambernan den nan simannan cumpra.

Na Aruba Beach Club, e venta aki lo wordo finaliza dentro di algun luna, mientras cu na mes momento, e inversionista-

nan ta bendiendo nan accionnan atrobe na Sun Development NV.

Esaki ta significa cu e momento culminante a yega pa Sun Development Company traslada e propiedad di Aruba Beach Club pa e Asociacion di Miembronan. Despues cu e traslado aki tuma lugar ta intencion pa e Asociacion di Miembronan, como doño nobo, mantene e gerencia actual pa operacion di e hotel.

Un noticia positivo pa nos isla ta cu gran mayoria di e inversionistanan di Aruba International Beach Club Inc. cualnan a bende nan accionnan, awor ta inverti den Playa Linda Development Company, un proyecto nobo di time-sharing cu Sun Development Company ta construyendo. Asina e inversionistanan extranjeru ta demostra nan confianza, no solamente den Sun

Development Company, pero tambe den e futuro turistico di Aruba.

Playa Linda Development Company mientras tanto a nombra un hunta di Comisario consistiendo di señores Raymond Maduro, Hector Gonzalez,

Urbano Maduro y Oscar Henriquez di Aruba y señor James Fauci di Estados Unidos. Directornan di Playa Linda Development Company ta señor Rene Nieuwkerk y señora Maritza de Kort.

Playa Linda Beach

Resort su promer fase ta operando desde Juli 1983, y su gerencia ta den man di señorita Lourdes Figueroa. Construcion di e segundo y tercer fase lo inicia na cumintamento di 1986 y ta programa pa finaliza na April 1988.

